

宋詩紀事補遺

宋詩紀事補遺卷之七十九

歸安陸心源伯剛父輯

胡滅

字景雲號蔗菴東陽人耽嗜六經通百家子史  
學問深邃文章典雅長于詩賦尤善表啟宋亡  
隱居授徒所著有儉鳴集入憤等詩以寄意

徐教諭任滿賦贈

秩滿東寒磧溪頭借釣船世情歸一笑官事已三年

東陽縣志

詠雙柏

宋詩七十九

扈蹕遺踪灌水隈蟠根雙柏自誰栽幾回勁鋤青銅  
軒曾浥先朝雨露來

同上

胡奎

字斗南號貫齋宋末廬陵人有斗南老人集

挽文山

裂指秋風感別離乾坤人物太奇奇生爲孝子忠臣  
勸死結皇天后土知萬折江流魚腹石千年人立首  
陽碑一門史氏春秋筆愁絕湖光入畫時

江西詩徵

朱鼎元

嵊縣人朱季元初與張爚崔存賦詩爲樂

王虛道院

山東捨宅爲琳宇公子超然趣不羣帝足龜蛇交水  
火將壇龍虎擁風雲花階晝靜迎仙客月殿清香禮  
老君何日投閒同採藥松邊坐石許平分縣志

吳龍起

字伯時號春江汴人宋季詩人

櫟園

櫟園依古寺景物久淒涼荆棘無人翦亭臺逐處荒  
數禽棲曲沼獨犬吠空堂惆悵梅花發憑誰管暗香

秋興

定是憑高易得愁客懷牢落怕登樓不知昨夜梧桐  
雨添得闌干幾許秋

詩苑  
眾芳

朱克家

字月林宋季詩人

王馬山

水石嵌空山翠確瘦藤扶上青雲幕平川一望渺無  
際東疑嶧夷北劙漠鴛天疊巘輪翠浪奔野細流橫  
雪梨疎峯點點雁聚沙密嶼鳴鴨魚縱壑一江浮綠  
遙書元幾隴斷畦成卦剝乍驚漁唱出烟靄時聽村  
春動籬落幽遐異景爭指說老眼苦難覓渺邈夜間

支枕掛銀窗閃閃星河手可摸何年標名稱玉馬跋  
踏風雲跨寥廓更連三十六奇峯削玉排青相間鉗  
偶因佳友得壯觀俗慮塵襟頓疎淪翛然物外豈非  
仙不須更羨遼東鶴

宋詩拾遺

余瀚

餘千人宋季詩人

自題歲寒堂

書堂高構歲寒巔水秀山明隔市廛兩岸柳風吹道  
骨一溪梧月浸心天

江西詩徵

朱少游

宋季詩人

掬水月在手

十指纖纖弄碧波  
分明掌上見姮娥  
不知李白當年醉  
會向江邊捉得麼

芭蕉葉

翦得西園一片青  
故將來此惱詩情  
怪來昨夜窓前雨  
減却瀟瀟數點聲

東南紀聞昔有詩客朱少游者在街市立卓讀詩以精敏得名一日有士人命以掬水月在手一句爲題客應聲云云又持芭蕉一莖俾賦之卽書云云

徐雪廬

吳興人宋末避亂居於西洞庭

題嶧山禹廟石柱

洞庭之陰小山幽百靈雄衛來高邱吾當十月值亂  
離擣家遠逐湖之洲湖光接天晚浪靜樹色照野晴  
雲浮霜黃林頭橘柚熟日冷波底蛟龍愁北方兵馬  
想已到南國城郭誰能收我今買酒且消憂醉舞拔  
劍揮斗牛會須投筆去封侯斬取盜賊清南州太湖  
備考

徐德輝

永嘉人

夜寓舟中

秋氣清如水推篷夜不眠蘆花新有雁莎葉尚鳴蟬  
斷夢疑堪續哀吟最可憐漁童看月上吹笛枕樓前

夏日和韻

方沼晴波動虛堂午蔭新夏衣誰賜葛午食自烹鱗  
山近書多潤窗開硯易塵試茶然石鼎汲井就西鄰  
初夏遊謝公巖

又取紗衣換天時起細風清陰花落後長日鳥啼中  
水國乘舟樂巖扉有路通州民多到此猶自憶髯公

寄隱士

亭深自無暑苔徑復縈紆賓客不長到兒童足可娛

荷花晴帶粉蒲葉晚凝珠與爾城闕隔茲歡想不殊

釣臺

歸把灘頭舊釣竿帝王只作故人看此身合向邱林  
著漢祚已如磐石安流水無情千古在客星有影九  
天寒到頭笑殺鷗夷子便下扁舟去也難宋詩拾遺

徐鼎

字太古號清源永嘉人

哭朱龜巖

掩涕愁相向風淒日滿籬舊交無一在哭子有餘悲  
暗竹局書牖孤燈上蕙帷寡妻惟抱子具說病來時

宋詩  
拾遺

徐棫翁

號洞春

鳳凰臺

祇合臺前曠種桐萬柯搖碧護春風縱無丹鳳重來  
此且障長安落日中

臺前烟草接青徐臺後風花滿殿廡千里暮濤空寂  
寞醉人春色正西湖

景定建  
康志

徐從善

字仲善處州人有月窗摘橐

山中

山中隱計成習懶自無營醉薄人生事貧諳世俗情  
牀頭惟有易身外不須名干載知吾意無如向子平

呈芸居

生來稽古心文士獨知音世事隨年懶詩愁入鬢深  
夢拋三尺組書敵幾簾金何以謀清隱湖山風月林

趙令尹知常軒

利慾如雲翳碧虛已私克盡始還初人情多向巧中  
拙造物徧從密處疎冷笑金多堪作塉極知水到自  
成渠作詩曾廣名軒義應記南州孺子徐

初春

霜曉初陽潔遊嵐散薄痕夜來殘雪盡新水滿漁村

瓜洲別吳菊潭

鄉國無書憶老親昨來邊報不堪聞江頭握手收征  
淚不喜留君喜別君

卽事

七十衰翁雪滿頭未談邊事涕先流更言近日無和

糴縱是凶年亦免愁

江湖後集

鄆玉庭

玉庭字德簡號益齋武寧人與文文山友善秀

水縣丞宋末棄官歸隱於建溪卒

歸建溪

歸去寒溪覓舊盟相逢詩酒足娛情閒雲不礙青山  
好物外風高夢自清

江西詩徵

蕭炎

字寬夫號葛坡三山人

春歸二絕和高希遠韻

晴窗如暝樹雲遮紅紫成埃減陌車不信春歸無綰  
繫尙存一架木香花

厨供櫻筍上春盤把酒留春少住難祗是簷花前夜

雨明朝便作釀梅看

詩苑芳

馮開元

號普慈眉山人

和榴皮題壁韻

萬里間關辭蜀道六年前後到西餘雖無泰華寄來  
樹且讀人間未見書

東林山志

吳澗所

永嘉人

趙宰別業

幾樹柳陰合空階一半遮破琴長在壁老鶴不離家

客至時供茗官閒吏管花有時成獨步門外看蜂衙

過盤山

盤迴六七里天色冷颼颼石壁無平地山雲隔遠洲  
清笳悲送日老卒病眠秋行望酒家出青山映碧流

朱詩  
拾遺

高吉

字幾伯廬陵人有懶真小集

有所思

上山采芳桂不盈一掬金金色容易變零落傷我心  
欲以遺所思山遙水沈沈微物豈足貴但感歲月深

試長沙胡邦明墨

墨卿溯源流甄陶何遠矣系出五大夫殺身成人美  
策勳凌煙閣繇此著姓氏開國從膠東裂土封墨水  
平生好太元握手忘汝爾一笑吐奇芬重透詩人體  
磨礲去圭角耐久堅莫比朋來自遠方陶泓管城子  
傳文章心印千古盡在是我老久絕交未忘抄錄耳  
種樹書一編養生論盈紙煩卿爲記之歲晚吾事已

快閣

不跨揚州鶴來尋快閣鷗澄江依舊月落木幾番秋  
山色橫青眼交情歎白頭一聲何處笛我欲理歸舟

雨肥

雨肥蔬解甲坡暖竹添丁物態俱自得人癡終不醉  
獨行宦媿影真懶遂忘形巢燕歸何晚柴門風爲局  
送客之楚

嘶騎隨鞭尾詩囊挂杖頭好風吹客去落日舒予愁  
涉水舉沅芷邀春醉楚樓故人如問訛雲卧憮如鷗  
憶瀟湘故人

竹好無多箇江清不覺深餘香隨蝶去軟語愛幽禽  
美景翻成根經年不寄音長沙一樽酒得共幾回斟

宋詩七十九  
九  
何中

字太虛樂安人宋末舉進士以古學自任著有易象類書傳補遺通鑑綱目測海知非堂集支顧錄通書問六書綱領其學該博吳澄揭奚斯皆推重之入元聘爲宗濂書院山長卒

寓豫章作

城南無樹識神仙閒往閒來四十年西岸青山東岸塔爲誰相對老秋烟宋詩拾遺

高漢封

宋末崑山人

贈朱世美

朱陽公後多聞達若論高風君最賢偶過杏林傳異術從經摘井飲香泉逃名靜著延年集避世閒刪學道編惟恐聖朝求隱逸更移家近楚雲邊義甯州志

崔存

棟縣人宋末元初與張爚朱鼎元賦詩爲樂絕意仕進

爲張莘疇題玉虛道院

小結烟霞作洞天日長無事卽神仙裁松待化山中石種秫因分屋外田滄海十洲人不到丹砂九轉世

空傳何如坐對黃連炷一卷南華內外篇

嵊縣志

陳鈞

字公秉號靜佳杭州人

蘆花

一舸滄江倚暮檉鷗鄉舊夢漠難尋秋無界限風高  
下月滿汀洲雪淺深撲袖似憐衣袂薄愁人長恐鬢  
毛侵風流得及三春柳飛盡輕綿又綠陰

和人湖天秋晚

不入生絹作畫看波光無極暮天寬船離漁屋無多  
地雁落蘆花第几灘一曲泊浪人獨釣滿襟霜露月

生寒此中已去人間遠濯髮空聞到消盤

秋思

宦情羈思兩悠悠出岫無心盍去休鄰巷孤砧人靜  
夜江樓一笛月明秋水流西塞因思鱠豆落南山歸  
飯牛琴不相隨仍縱鶴可曾風浪覆虛舟

喜雨

落盡滿林花驟長沿階草花草不關心秧嫩桑條老  
和伯文薛制叅二絕

秋塘風露蟬羣蛙烟樹參差寫暮鴉凝立不知襟袖  
冷寒蘆點點墮輕花

別嶠烟深曉樹昏飢禽點點歷平村朝暉紅透風初動微見前峰綠一痕

梅花

離騷草木盡沉馨獨抱閑愁倚素屏石徑荒寒春未覺霜風淒緊鶴初醒故山入夢雲千里瘦影相看月一庭深夜忽鳴何處笛征鴻厯厯楚天青

詩苑  
眾芳

宿江陰廣福寺

我非山中人暫借山中宿靈風散微陰片月出喬木蕙帳棲夕香古井汲寒流名繙多夙契延坐同茗粥況與靜者俱善信久已熟清解儼陶謝元談幹身毒

所愧形跡拘無由繼高躅鐘聲殷江島露氣藹林麓  
良遇愜素懷徘徊至天旭

江陰縣志

陳少成

南宋人名得時則翁子著有穎西清嘯集

露坐

露坐當中夜誰家夢正迷行人在邊戍孤月到深閨  
天迥斗橫北海寒風自西庭前有高樹分借老烏棲

曉思

南樓捲書坐極目動清口野色春千里晴光曉萬家  
人耕烟外草鳥啄樹頭花記得夜來夢青天飛日華

宋詩  
拾遺

何文季

字子友東莞人嘗從李昴英遊仕於宋季後棄官歸厓門之變慟哭成疾而卒著有蘭齋稿

寄陳赤嵌

英雄空有淚沾襟千古興亡感慨深邱壑正多亡國恨干戈消盡讀書心容身天地生何補入眼風霜老不禁却笑紅塵知退晚能教早計卧山林

寄懷

衣冠不忍墜家聲風雨瀟瀟鶴自鳴身似孤蓬隨地

轉家無長物帶書行荒涼松竹鄉心外淡薄虀鹽世  
味輕幸有田疇堪料理何如買犢且歸耕

送黃坡峯

浮萍浩蕩夾桑榆茅屋田園狐兔墟拾橡豈能饑杜  
甫轡車終不困相如子規枝上他鄉月白鶴峯頭處  
士廬三徑雖荒歸亦好筆耕還有腹中書

寄彭教府

食薇已愧首陽人宦學楊雄作美新滿目山河長是  
淚窮崖草木不知春狂來自與白雲笑老去從教俗  
子嗔湖海論交無久近相逢同是漢遺民粵詩  
蒐逸

陳一齋

永嘉人

送劉蒙川

春草征帆遠春江落日程瘴鄉官是客儒服老談兵  
海潤龍無影山空鳳不鳴梅花東閣路悽斷故人情

谿亭次汪桐陽

空亭明遠嶂老樹黯餘曛野興臨流坐秋聲入夜聞  
漁歸孤棹月鶴睡一松雲記得前谿路人家兩岸分

維陽懷頃樸菴

長鋏悲彈負壯遊京華倦客又楊州西風昨夜他鄉

夢明月故人何處樓石塔鐘殘楓葉暝瓜州棹遠荻  
花秋幽窗一點寒燈影徙倚闌干生暮愁

宋詩拾遺

陳少垣

少垣名昌時則翁子以字行溫州瑞安人南宋  
時登學究科官教授箸有雞肋集

憶西湖

遊夢春成昨東風感舊題江流如汴水柳色似隋堤  
地重天王塔山寒處士棲最憐三月暮愁眼爲花迷  
羲峩燕中臺悠悠易上水懷哉燕昭王招彼天下士

士貴相知深豈爲多黃金築臺置黃金自是君王心

周公輔別業

同余棲隱地只在白雲根野草行無路孤舟入有門  
已存栽竹地不買種桃園眼底饒蒼翠南山帶北村

湛江歸自浙西

尙憶滄洲舊釣船一瓢收盡浙江靈鬚欺北斗憐歸  
鶴眼暗西風悔聚螢蚌浦有光秋孕月劖床留粧夜  
眠星不堪雨外重回首塔壓吳山口白青

太真圖

繡帕香蘋玉履麟侍兒扶上不勝春如何攬轡宮階

日却把中原踏作塵

以上宋詩拾遺

卽事詩

石室無來客間雲伴曉眠夢添身外事髮減鏡中年  
小雨溪平路牛衣業在田劍星橫照膽歸意未應全

湖心寺

出城五里淨無塵清湖無底秋浸目水仙飛結空中  
麝佛香吹化蓮花閣老僧坐久忘身心夜涼恍在鰄  
人屋何當使我出世愁苦逕幽窗弄雲竹

溫州府志

太平宴

朝陽鳴鳳馬圖河雷動官僚宴泰和萬國春風酣組

綏九天明月照笙歌紅雲瑞擁山呼壽滄海恩深酒  
作波元朔丹崖聲教遠願昭鴻業刻嵯峨以上瑞安縣志

陳少微

宋末人

觀茶

腳底晴雷殷殷過浮山四面布干戈鎗旗不染匈奴  
血留與人間戰睡魔羅淳志

陳壺中

宋末樂清人

雁山

山川秘靈迹海近氣常陰尊者何年在樵人去路深  
雲龍歸絕頂花鳥傍禪心十八前朝寺衰猿空夜吟

宋詩拾遺

陳在山

宋末瑞安人

曉色

荒鷄遞寒鳴寥廓弄清曙初陽未離海薄雲尚籠樹  
沙明宿鷺驚巷白行人語瓦餅自持汲正在月落處

宋詩拾遺

潘霆孫

宋末人

題忠愍公送媚邢得昭歸婺女詩後

胡謐亦由廣帥李還不出郴陽相慨冰清在紙至今  
遺墨猶香

北山文集題跋

袁泰初

字幼立江西奉新人著有沐鑿集

金陵懷古

晉委東都帝秣陵豈無機會可爭衡諸公坐視敵來  
往一水反爲國重輕北伐上章空有語中流擊楫竟  
何成登臨不是多傷感老却胸中十萬兵

景定建康志

張湯

宋季苕溪人

雨花臺

不談仁義只談空一著參差在箇中臺上繽紛花正  
雨城邊一陣已西風君王自有君王業何事區區翻  
貞葉雨花名臺非識奇要使後人知覆轍

景定建康志

張紹文

字庶成號樵寄翁華陽人芸牕之子家茅峯之

東

雲溪叔父賜飲大梅花下以疎影橫斜暗香

朱註卷六十九  
浮動分韻得動字

清溝洞寒波怪石亂扶擁輕風捲濃雲天際孤月湧  
主人宴清賓會合意彌重列炬照寒梅繁星粲脩龍  
清香逼詩魂吟興欲飛動酩酊歸去來嚴城角三弄

鍾山路閒

立馬鍾山路斜陽鎖亂峯斷碑生綠蘚古道立青松  
春事梅邊覺鄉愁酒後濃興亡多感慨我輩復情鍾  
自淮陽還里中抵舍一夕卽爲通川之行

喜得歸來席未安又攜書劍上江干莫陪親戚話情  
縹空指溪山說肺肝客路幾程來杳杳天涯一棹去

漫漫故鄉又被江雲隔寫得詩成欲寄難

小院

小院春寒閉寂寥東風吹雪未全消山茶謝了梅花落移得詩情上柳條

醉鄉

醉鄉詩筆是生涯短短蠻牋字字斜沈水一枝煙未

斷半窓寒月上梅花

江湖後集

山庵夜宿呈深居先生

松逕轉幽密一程深一程濤聲在平地月色正三更僧定欲喚起鶴眠頻夢驚曉來真富貴露葉綴珠瓊

送梁中砥入道從三茅許松谿

無意覓封侯來從長史遊辭章唐韻度人物晉風流  
花影天壇午松聲月澗秋登臨盡詩境分我半山不

卽事

電挾雷聲迅風將雨腳多須臾寂無有造化果如何  
飢鼠撼幃竹哀蛩語徑莎披衣起中夜有感寄長歌  
再疊

地迥秋聲遠山空野興多宦游聊爾耳踈嬾奈吾何  
落葉驚黃葉推敲步綠莎新涼大白在對酒且高歌

春閨怨效膚才韻集體

楊柳和烟翠不分東風吹雨上離樽  
鷓鴣絃調急難藏恨燕子樓高易斷魂  
錦字書成春夢遠玉壺淚滿夜燈昏  
馬蹄想過長亭路細與蕭郎認去痕

江亭晚眺

登高便可豁雙明吟外還能見物情  
南北盛衰關大數英雄得失總虛名  
莫雲千里鄉心遠寒雁一聲秋意  
清江上白鷗應笑我等閑虛負水邊盟

定林 荆公讀書所

三間書屋年年在一點禪燈夜夜明  
門外青苗渾不見半山松竹自秋聲

金陵道中晚宿

卸却征衣卧客牕  
移床切莫近寒螿  
空階一雨淒涼甚  
不怨梧桐怨夜長

夜坐

金鷗香殘酒半醒  
夜深寒月過西樓  
可憐心事無人識  
詩眼與燈相對青

以上譏苑眾芳

黃叔美

叔美字河清南城人仕宋爲登聞檢院宋亡隱居盱眙山中有集

登麻姑山

昔日登臨不用扶於今白首見麻姑此邦泉石何蕭  
爽異代神仙知有無七月山田紅稻熟去年塵海夢  
蓬枯信知冠蓋追遊地羽客相逢到日晡

江西詩徵

宋詩紀事補遺卷七十九終

門下士烏程縣學生員李延達校

宋詩紀事補遺卷之八十

歸安陸心源伯剛父輯

張元衡

字道元號益齋又號烟霞子華陽人樵寄翁子

春愁

烟翠飽青實雨紅黏綠苔楊花隨夢去鶯語喚愁來  
吟事春三月風光酒一杯芳心久消歇已作蕙爐灰

搖落

搖落梧桐恨哀吟絡緯愁星河橫靜夜天地入新秋  
冉冉歲云邁滔滔江自流驚風和雁影吹夢過南樓

不如歸去

岷峨路遠萬重雲  
錦水繁華一聚塵  
帝子但知歸去好  
故家城闕已他人

春深見雁

杜若生洲荻已芽  
隨陽片影向天涯  
如今不用思歸去  
江北江南是一家

秋意

古鐸搖風語夜涼  
露溥莎徑咽寒蟬  
更長展轉難成寐  
擬問希夷覓睡方

以上詩苑眾芳

張紳

廣南東路提刑虞部員外郎

留題宣聖廟石壁

前枕清流後倚山殿堂高剗白雲間幸因供職頻經此及過三年鬢漸班

謹案詩在英德南山

廣東通志  
金石畧

陳必敬

號樂所陽翟人少穎悟通五經諸子百家言宋末一舉不遇遂不復出嘗與邱葵講明濂洛遺學所著有詩聯遺文

釣臺

公爲名利隱我爲名利來羞見先生面黃昏過釣臺

又

已上桐江臺又弄桐江釣不食桐江魚不怕嚴公笑

同安縣志

錢朝隱

臨安從事

靈苑寺

馬前山色連天起竹外溪聲動地來試過溪橋訪山  
寺清風爲我拂塵埃

蛻龍洞

几骨何年蛻洞巖  
真龍肯向此中蟠  
料應夜半凌空去  
雷震于山風雨寒

新城志

張建

延平人

鳳凰巖

盡把鉏犁鑄五兵  
岐山無復鳳凰鳴  
何人更解驅頑石  
飛向中原頌太平

東甌金石志

黃祁

字希宗江西清江人宋季以能賦稱官高安簿  
江西志

箸德安類稿

玉笥山鄧仙

作縣古難今更難鑿空無計借雕殘長教眼對葛峰  
碧便覺胷如楚澤寬幾爲掀髯得佳句未應枉頰事  
遐觀三詩一賦嚴如律眞是江西道院官

句

莫遣雙鳬便飛去試聽欸乃在滄洲

以上與地紀勝

黃珩

閩人

和劉後村梅花絕句

豐鐘初散曉雲遮我欲伸窓玉帝家青女一身都是

贍年年隨下月偷花

一雙白鶴騎焉往十萬青蚨散卽休吟透何郎早春  
句輸他占射得揚州

真色果無描寫法漢人枉自殺毛公

以上大全集卷一百八

張汝勤

字賢夫號霖溪嚴谷人父竹巖祖檀山皆以文  
名至汝勤尤工詩文宋亡元興甘貧不仕所著  
有史評講義古賦及詩集行世見開化縣志

荅蔣解元芸

翛然風月一閒身健在何妨白髮明徑竹操如人不

老澗芹香與水俱清傳家老硯孫攜去落筆新詩僧  
帶行那得胡床兩相對青燈影裏聽秋聲

寄徐秋澗

年來觸事絕塵想夜夢有時緣故人何日秋風歸興  
動桂花香裏著吟身

又寄

懷人渺渺數重山風月將秋入夢寒疑有清風生羽  
翼去隨明月倚欄干

懷繆竹林

東風日日惄吟魂相與論心客在門雨洗花光紅透

骨風搖野燒翠留痕榮枯過眼歸春夢醒醉從人付  
酒尊輸與先生專一壑閒來得看竹生孫

戲徐觀空

學詩如學禪所貴在觀妙肺肝劇雕鏤乃自鑿其竅  
冥心遊象外何物可供眺空山散雲霧仰日避初照  
曠觀宇宙間璀璨同暉曜但以此理參而自足詩料  
持以問觀空無言但一笑以上開化縣志

張清子

字希獻號中溪福建建安人宋亡不仕箸有易  
本義通釋附錄集注十一卷

靈巖一線天

一畫起于乾先天至後天靈巖天一線想在伏羲前

武夷山志

張爚

嵊縣人自以家世宋臣絕意仕進自號辛疇居士作休休吟以見志箸有紀蹟錄

上趙主簿靈字

辭棘鸞飛遠重來棹雪舟政聲清似水官況冷於秋  
譜系王侯貴文章班馬流賑民問錢穀名已在金甌

重沓嶺

松間疊石步高低嚦鳥幽林聽隔溪七尺枯藤可扶

老青鞋香汗落花泥

嵊縣志

請趙季憲

道可

主玉虛道院

季憲風流多文

來自東山東復東飛空一劍伴絲桐能令矮屋疎籬  
下如在十洲三島中鍊句入神敵夜月談元動客笑  
春風聞師曾得長生訣同採丹砂訪葛翁

嵊縣志

張萬全

宋遺民至元間與魯仕能吳斲鄧希恕魯仕行  
李應春羅太岳羅太亨爲九老會擇山水勝處  
更迭主會凡歷十二年各題姓名及詩刻于石

九老會題名詩

乍接笑言渾是夢相看顏貌老於年

平江縣志

張孝忠

江西安仁人宋將亡集義勇數百勤王力戰死之邑人立廟以祀

復友人上官藻

風遞鴻音過故城悲秋烈士不勝情望窮雲白生鄉思渴憶梅黃慰遠征塵蔽碧天飈未掃樹懸殘月夢成鱸肥却好君歸去于里如期倒屣迎

安仁縣志

張慶之

字子善平江人號海峯野逸宋亡絕意仕進彷  
五柳先生傳作海峯遺民傳以伯夷陶潛自況

初文天祥知平江慶之齒詰生之列泊國亡集  
杜詩備述天祥平生大節著有測靈孔孟衍語  
海峯文編老子注續胡曾詠史詩

詠文丞相出督

坐見幽州騎密作渡江來淒其望呂葛歎爾疲駑駘

太平府志

彭徵

瑞州人宋季以詩名箸有清籟公

眞人詩四首

白雲深處是仙家清壁飛來瀑布斜探藥不知歸路  
晚洞門開遍碧桃花

散髮披襟萬仞岡天池風度碧蓮香洞雲去作人間  
雨留下瑤壇月影涼

老桂吹香入古瓢月華如水碧天寥酒醒夜半誰驚  
覺鶴背仙人紫玉簫

山中無厯任光陰梅正開時雪意深彈罷蕊珠香滿  
座天花幾箇落瑤琴

瑞州府志

張子東

名眇宋季安仁人工詩書法尤爲時尙

寓錢塘得鄉人消息

西子湖邊放鶴仙幾回同醉木蘭船相思東路一千  
里憶別西風十四年遠信有時憑雁寄新詩近日賴  
僧傅不須更問垂綸叟已有霜痕到鬢邊安仁縣志

湯清伯

清伯南豐人

按隱居通議云江南承平時鄉塾  
諸齋出題示學者考殿最名曰義

試詩嘗鈔錄成帙猶記湯清伯  
詩云云據此乃南宋末人也

賦夾竹桃

芳姿勁節本來同綠蔭紅妝一樣濃我若作龍君作

浪信知何處不相逢

江西詩徵

張森

字餘之義烏人宋季以明經補太學生授潭州  
儒學教授著有靜軒詩集見義烏志

仙華重午

空山值端午采蒲南澗濱蒲生裏白石澗水清粼粼  
蟠根寸九節服食能通真采之不盈掬土潔含芳辛  
行行登絕境有花如車輪奇哉世莫識持扣山中人  
山人耳垂肩羽佩青衣巾乘飈控元鶴汎景下蒼岷  
我行意其仙再拜詢所因仙人覽花笑見爾還千春

語我勿復道倏去無留塵歸來有餘歎三噓華池津

王志道

字希聖義興人有閨風吟藁

和秋浦聞雞偶成

窗前銀燭焰將暗樓上梅花引已殘忽聽鷄聲齊起  
舞百年王業尙偏安

僑寄山居霍然幾月凡見之於目聞之於耳  
者輒綴成絕句名之曰田園雜興非敢比石  
湖聊以寫一時間適之趣云爾

幽居無事屬山家閉卻柴門日未斜啼鳥一聲驚覺

夢小窗閒坐聽蜂衙

早蠶上簿將成繭  
晚界蠶方起大眠  
兩月辛勤政胥怨  
成絲成絹更成綿

樹頭桑葉似穿錢  
準擬今年賤似前  
誰信天公難預料  
今年却貴似常年

紡車纔了辦繅車  
澗水當門足漚麻  
輸卻官租償卻債  
今年猶剩百斤茶

自從巡尉罷搜茶  
便覺山中氣象嘉  
賣得錢來供飽飯  
尚餘醉酒插山花

漠漠輕煙護鵲巢  
楊花無賴矗天高  
鄰鄰白水秧疇

滿省却年時灌漑勞

新竹成林猶帶粉早秧出水便成鍼日長門巷無人過一覺齁齁夏木陰

和峴窗韻是日也適赴座主西湖社日之讌雨餘西子溼香肥那得心情滯酒杯浪逐畫船分社飯也教人道賞春來

漁父

岸沚汀蘭曲曲春綠蓑青箬老江瀆倚船三弄東風惡吹斷巫山片片雲

歲朝轎中伊軋聲類櫓舟因感舊遊

歲朝伊軋上籃輿酷似當年在帝都柔櫓數聲楊柳  
外小舟逗曉過西湖

江湖後集

王夢雷

宋季平江縣主簿

勘災詩

散吏馳驅踏早邱沙塵泥土掩雙眸山中樹木減顏色澗畔泉源絕細流處處桑麻增太息家家老幼哭無收下官雖有憂民淚一擔難肩萬姓憂

平江縣志

王商翁

與釋文珦唱和潛溪人有送商翁游永嘉詩

白雲寺

幽人何處住古寺白雲高閒路不知遠到山方覺勞  
半窗看竹石一枕聽松濤我亦清幽者烹茶讀楚騷

宋詩拾遺

王希旦

江西德興縣人宋亡入元屢徵不起

送藍峯赴南泉教

君去清源第一州鱠魚沽酒有人留泉山紫帽登臨  
處還有高人寄我不德興縣志

李應春

湖南平江人爲宋遺民九老之一

句

象繪耆英希五老鶴歸華表認千年

沅湘耆舊傳

李蟠

甯國人

送德基

單闊多餘慶清時得偉人德隆荀氏操學慕孟軻醞  
久媿溝中斷常親席上珍征帆忽西去悵望宛溪濱

宛陵羣英集

李湛

有另二人

南宋時知古田縣與北宋李湛同姓名

翠屏山

翠屏山下雨霏霏雲掩岡巒草樹微一段丹青誰解寫畫家惟有米元暉

仙嶺

西山岌岌倚層霄爽氣恆多瘴氣消誰道閩中無雨雪年年絕頂見璚瑤福建通志山川

曾原鄧

字子周號楚山寧都人東湖書院山長

遊金精次韻

鯨奔獸駭羅羣峯晴嵐溼霧深幾重世言番君勇穿  
石此事荒唐敢云實仙凡聚散那得知祇今流水篆  
元之沖昇壇在肯回顧木鶴癡情飛不去五詩遺筆  
寫元雲殘碑記載心何勤誰通一罅山前路車馬塵  
埃了朝暮劉郎想自天台來步步錦繡連雲開千崖  
萬壑玲瓏竅今日重逢應一笑蒼蒼石鼓青雲齊名  
章合刻懸崖西可憐一覺邯鄲炊晉中五色蟠晴霓  
此桃種在清虛處不斷塵埃笑崔護人世從教隔古  
今洞府何從認新故我髮白矣骨尙凡悠悠空老茲  
山間酌泉祈仙會當見曾有麻姑訪王遠

贛州府志

尤山

字終慕號元鎮莊定公曾孫也太學生宋亡杜門不出隱於許舍山故居

雞冠花

秋雨初晴後雞冠早放花飛鳴欲何向豔冶自堪誇

僻地裁紅錦遙天墮彩霞金門多綠幘分與野人家

梁溪詩鈔

曾唯仲

唯仲南豐人宋末解試不仕

賦草意義試詩

輦路淒淒隔歲華王孫望斷怨天涯庭空煙雨無人  
管那有閒情襯落花

江西詩徵

劉敏求

厲有

通天巖

雪巖深幾何應有神龍寓片雲纔出山蒼生足甘雨

吉安府志

四祖巖

得師此中來腰囊還復去空有舊隱巖僻在雲深處

吉安府志

東巖

仙人何處在遺跡杳莫尋多應懸君子去作商家霖

吉安府志

### 西巖

叢業風門口坡陀虎穴西向來梵雲寺秋草鷓鴣啼

吉安府志

### 潮山

信祖昔棲巖寒潮日三入祖攜瓶錫去潮音斷消息  
山因潮得名傳者非一日山經負莫載事遠固難必  
惟餘松檜風經年弄蕭瑟昔攜二三友擺去紅塵迹  
棲遲讀書巖傲岸興頗逸往往日多暇十景快吟筆

蹭蹬今幾年依舊山駢碧白雲豈無心常依吟處石

大唐山

紛紛官道行如蟻不驚空名卽浮利路旁人指箇中山萬瓦鱗鱗隱禪子我慙衣袂困風埃每見青山心輒喜暫來楮帳曲肱眠且縱溪聲洗雙耳

吉安府志

劉大綱

知新城縣

碧沼寺

夜色清無滓虛涼月滿亭螢飛時度竹魚躍乍翻萍冉冉雲歸盡霏霏露欲零勣談渾得趣相對兩忘形

地僻人稀到唐賢句尙存觀魚尋曲沼弔古入名園

山翠沾衣袂苔紋印屐痕暫陪尊俎樂簫鼓出邱樊

鑑軒

一泓清澈底明可燭鬚眉漾月搖金影涵風皺綠漪  
臺高懸寶鏡水定照摩尼公暇臨流賦難忘此段奇  
新城志

邱葵

字吉甫福建同安人居海嶼中因自號釣磯治  
春秋學親炙呂大圭洪天瑞之門宋末杜門勵  
學著述甚富

宋詩八十一  
贈魏秀才

屋茅蕭索泣寒蟲獨自吟詩學已工敗葉能令溝水黑亂雲不放夕陽紅半生辛苦空儒服一歲蹉跎又朔風不意窮鄉有奇事暮春得拜席門翁

再用前韵

月淡蓬門掩候蟲窮通底解問天工茶烹粟面紛紛白燈吐花心灼灼紅屢改新吟添硯水密糊舊稿護窓風相逢莫道龐公老覽鏡先慚似老翁

全閩詩話有魏秀才者逸其名隱浯江之上葵贈詩云云其人頗有太上隱者之風不可使泯泯也

芝山

牀頭枕是溪中石井底泉通竹下池宿客不還過鳥語獨聞山雨對花時

福建通志

周才

字仲美其先自浦城遷吳宋未嘗領沿江制置使機宜文字宋亡老子耕桑見蘇州盧志

游虞山興福寺

興福相傳古道塲杖藜乘興訪支郎案翻梵貝烟消篆院寂某聲日轉廊玉版參師多古意石梅問訊幾時香禪家識得詩風味清供杯茶熟煮湯

游虞山頂維摩院

西風近重陽青女作奇釀高人事幽討木落秋可望  
山溪步屈曲策以九節杖林空眼界寬雲深開法藏  
歡迎雜鐘鼓舞躍駭龍象載酒得良友靈山拉尋訪  
同來八九輩俱能尙疏曠具饌擊紅鮮折花泛新釀  
脩竹當翠袖泉聲代清唱徘徊欲盡歡更上層巔上  
要知本色人方具六通相

盧熊蘇州府志

周約

宋季餘杭主簿

簿餘杭與長官游洞霄

九鎖局仙窟棲真隔翠林地靈泉石祕巖古薜蘿侵  
屐蹤東山勝樽傾北海深道人知客意喚起玉龍吟

洞霄詩集卷三

林正

字浩淵號一齋平陽人元卿四世孫精易與詩  
宋亡不仕隱五峯有漁隱集

寄裴雲山叟

南山高且深竹深帶流水先生廬其中迥若崆峒子  
雪髮覆兩肩深悟造化理手註三體詩名滿四海耳  
時以詩家名亦來質疑似我本浪得名長挂春風齒

乃識先生心非非還是是

平陽縣志

江邊

炎天時偶出四顧欲躋攀片雨來南浦殘雲過別山

秋萌苗葉上春寄藕花間更羨沙頭鳥知幾分外閒

平陽縣志

任鄭

眉山人

榴皮題壁

榴皮不見烟火語雋咏坡仙三和餘從此留芳應未

歇爛斑蘚壁可無書

東林山志

李顯卿 廉有

賀羅將仕拜命

問君爲況近如何若了青衫好事多待獻嘉謀裨北  
闕未容高卧向南坡競辰事業常無倦垂世功名要  
不磨應笑栢山疎懶客羊裘鶴髮釣煙波

賀蕭致政慶恩拜命

玉立諸郎總席珍名登天府早榮親讀書聞道超千  
古教子如君有幾人行際風雲攀郄桂先霑雨露及  
莊椿浮山名壽參天翠長與藍袍色鬪新截江網

王暉

屬有

三河道中

龍丘風土類中原  
雨口山開百里川  
白鷺水田摩詰畫  
桃花溪洞武陵船

其二

路入龍遊不見山  
縱橫阡陌漱江邊  
穿籬殘筍如攢

掬夾道寒花似火燃

龍游縣志

龍游道中聞雁

避寒來熟稻梁肥  
水遠山長結伴稀  
已是江湖遠行客  
雙雙猶是向南飛

龍游縣志

甘詠

燒香寺

暑熱不可度須此日暮涼况爾得佳友共約棲禪房  
行吟發幽興空濶入水鄉蕭散意自適輕風動衣裳  
誰歟遠有望烟影生冥茫已復入古寺樹色交青蒼  
虛廊絕蚊蟻可近燈燭光蓮花生清池靜坐乃聞香  
尊卑就次序肴核羅杯觴嗟此坐中人聲名托文章  
雲霄縱高步山林倏潛藏況遇知已飲豁達傾肺腸  
撫掌發一笑神思驚軒昂酣歌興未已下趁青苔荒  
仰視天無塵素月升東牆百年亦如寄萬事何其長  
慎勿忘今夕嘉話連僧房

撫州

宋詩八十  
九  
趙永嘉

與虎岫僧嘉善相好

寶蓋山

青山吐出白龍間我是地仙趙秀才嘉善有魚餐得  
去永嘉有虎喚能來

福建通志

詹珍夫

字美中崇安人南宋隱士

止止庵卽事

小結茅庵倚薜蘿主人心事定如何春風枕上邯鄲  
夢夜雨燈前雲水歌歲月不堪頻把玩山林偏稱小

婆娑年來欲問長生誤止止庵中養太和

武夷山志

杜圭

四川新都人通五經精于春秋入元不仕

大雲寺妙峯亭

鹿頭屹立青疑染龍渡橫飛勢欲來

輿地紀勝

李淵

南宋新城邑丞

普照院

青山遶屋藍光重流水衝階碧蘚滋獨坐午牕誰晤

語鷗鴟聲裏竹陰移

新城志

史昌卿

鄞縣人

鳳鳴洞

何年雷斧鑿山裂六月蒼崖細飛雪孤鳳一去聲不  
聞海水桑田幾興滅我知仙去仙尙存時見眞形坐  
岩穴青天半夜玉笙寒喚起幽人舞明月

上虞縣志

宋詩卷八十一

門下士烏程縣學生員李延達校